



753
158

FACULTÉ DE
MÉDECINE
PARIS

QUÆSTIO MEDICA,
QUODLIBETARIIS DISPUTATIONIBUS
MANE DISCUTIENDA
IN SCHOLIS MEDICORUM,

Die vigesimâ quartâ Januarii. 1704.

M. BERTINO DIEUXIVOYE,
DOCTORE MEDICO,
ET ANTIQVIQRE SCHOLARUM MAGISTRO,
PRÆSIDE.

An profligandis morbis impares Venæsectio & Purgatio?

I.

CONTUMELIOSUS est & infensus naturæ, qui contempto temperamento, qualitates primas nobis familiares atque connatas explodit. Quaternæ prostant, ex quibus efficiâ potiores Calor & Frigus ab Hippocrate celebrantur; binæ alix, Humiditas, atque Siccitas, licet eorum expressè non meminerit, quoniam vix activæ, haud minùs ab illo intellectæ sunt, quàm ab eximiis elementorum assertoribus; Medicum itaque Physicum Philosophumve sensibilem dicas, perinde est; is dulce, amarum, salsum, acidum,

acre, alkali à sale & kali fictitio nomine, coagulum, fermentum, & id genus multa lubens loquitur, quoniam in enodandâ singulorum naturâ ad prima Veterum elementa facilè revocantur, juxta quæ iisque annexas qualitates primas veritatem illi prosequuti sunt, nusquam è puteo Democriti, quo demersa credebatur, meliùs aut certius revocandam, quàm illâ Veterum philosophandi ratione: & sanè caloris, frigoris, siccitatis & humiditatis, elementorum, & ex iis suâ quibusque invicem proportionem commixtis temperamenti & intemperiei vocabulorum usus sic invaluit scriptis vel ore tenus Philosophorum, ut, qui novitatis studiosi systematum cacoëthe magis laborant, illi, licèt incauti & inviti, vulgatis nominibus ac pridem receptis suam doctrinam evulgent, quæ à veteri nusquam reipsâ, sed nominibus duntaxat, dissentire visa est: adeò malè certa est Novatorum peritia, quæ communibus Veterum Philosopho-Medicorum loquendi formulis carere, vel Intemperiei cacoehymicæ atque Plethoræ mentionem præmittere nondum novit.

I I.

ET reverâ Intemperies atque Plethora morborum omnium interiores sunt causæ, quæ sanguini acceptæ referuntur. Sed amborum utra pejor censenda, majorisque momenti videtur? Ea est profectò Plethora, seu ad vasâ seu ad vires nuncupetur: licèt enim illa periculi præsentia, quod instat, fatum minetur, nî statim occurreris, nihilominus tamen in plenitudine ad vires dictâ, quia morâ putrescunt aquæ, & unâ cum calore spiritus suffocari nihil vetat, in eâ, inquam, mittendi sanguinis æqualis necessitas indicatur, quâ quidem arte, quæ magnitudini morbi ferendæ vires longè impares habebantur, natura illius humoris peccantis aliquâ parte levata eidem, quod superest, succutiendo alacriùs insurgit, quoniam calor extraneus atque febrilis sensim mitescens fit temperatus, qui solus coquere & ad purgationem indomitos priùs humores disponere, suisque statim insigniis redditæ serenitatis argumenta, nube sursum in urinis suspensâ, humoribus morbificis nonnullâ crassitie conciliatâ, symptomatumque commodatione promovere potest, quibus elucescentibus, in omen affuturæ securitatis, ampla se præbet occasio instituendæ Purgationis, quæ totum *ἡγεμνίας* opus perficit: à purgatione enim in statu decidentis auspiciari, aut incipiente morbo, nefas, atque febricula, cardialgia, *λεποθυμία*, dolor capitis, vel spontanea lassitudo malefvada ac intempestiva indicatio habenda est oggerendi cathartici, quod tunc ciendis turbis, nec usquam bonis ægri rebus, comparatur.

EX humoribus majori vitæ dispendio seditionem nullus concitat, quàm Sanguis, quoniam omnium perfectissimus atque maximè necessarius habetur. Siquidem, quicquid is est, partes omnes corporis animat, firmat, alit, auget, verbo dicam, spiritibus nobilissimis animæ organis, quibus vita & actio continentur, humido primigenio materiam suppeditat atque semini, muliebri æquè ac virili facundo, quod ipsi speciei ut perpetuitatis suæ causam, ceu quoddam specimen immortalitatis, natura concessit; unde tantis tamque multis nominibus, quibus jure merito ornatur, tanquam vitæ thesaurus passim audit. At verò, quantumvis ita celebretur sanguis, eò perniciosiori putredinis notâ fœdatur, ubi quò plus habet dignitatis, mox è suo perfectionis gradu in statum priori contrarium degener factus propriam exuit naturam, & sibi admodum nocet pessimus ex optimo redditus, adeò ut labefactatis prorsus convenientiæ & familiaritatis suæ principiis, amplius assimilari non possit, nec mirum sit, ex eo tam malè affecto, tantùm, inquam, à se mutato, turbas ferè implacabiles cieri, & inde ne solitos quidem morbos, sed etiam insolentes, venenatos, pestilentes, & id genus alios potissimum enasci, quorum putredinis ratio verbis vix explicari possit.

I V.

AT enim, dum nimietate suâ sanguis sibi adeò inensus est, vel percepto calore extraneo rarefit, suos tantæ copię ferendæ impares parietes, nec citra vitæ discrimen, rumpit, vel, si vasorum clausulis pressus remanens minimèque diffusus putredinem contrahit & depravatur, tunc putrescendo Cacochymiam infert, cui postmodum radicitus auferendæ Purgatio, recens editis in lucem infantibus æquè ac recens ablactatis necessaria, confert; ut & illi præcipuo sanguinis vitio, Plethoræ nimirum arcendæ, unica Venæsectio convenire potest. Cætera levioris armaturæ præsidia sint, quæ evacuant, sanguisugæ, vesicantia, cantharides, deraasio capitis comatosorum, quæ ad instar duræ frictionis est, parvi fiant; ne, si nimis confidenter illis aliquando utaris, altero prætermisso artis maximo præsidio, te tua spes fallat. Hinc enim Epaphræsis & inde Catharsis, tempestivè adhibitæ, omnem medendo paginam complent.

V.

LI C E T verò Venæsectionis, tanquam *ἡγεμονικῆς* & universalis remedii necessitatem multa, quæ affert in medendo, commoda celebrent, nihilominus tamen Purgationis utilitatem ejusque indicationem quandam esse naturæ ipsius, digito quasi commonstrat lactis

materni colostrum, quod illa parēns optima, quæ conductitiam nutrimentum refragatur, recens nātis infantibus offert, ut purgans in omnibus statim à partu animantibus utilissimum. Namque si sua medicina deest infanti, ipsi mollis cassia statim subministretur, cujus ope nitentibus visceribus nutritiis, submotisque hoc modo collectis, per gestationem sordibus, quæ puerilium morborum causæ sunt, firmiora felicius valetudinis, in posterum fundamenta jaciuntur. Sors eadem recens ablactatis contingit, scilicet ob capitis infirmitatem, majorem jecoris molem, mollioremque & rariorem corporis texturam, quemadmodum pluribus patet turbis lactentium & ablactatorum ætas, sic & fato præmaturè obeundo longè magis obnoxia est, quàm alia quævis ad senium ætas: aut si quæ tardandi fati ratio datur, ea est Catharsis, qua quidem tempestivè repetitâ, ubi, quicquid in primis ætatibus nimiam esitatione collectum superest, quod morando putrescit, expurgatum est, viscera tunc *εὐνοίεα* redduntur, atque ea de re minimè suspectæ dotes, *εὐφορία* & *εὐνοφία*, apud puerum in omen sanitatis ad provectam usque senectutem elucēt. Nec id citra Medici industriam, qui velut in aucupio positus nunc præcavet, nunc agit; scilicet hac illave ratione opportunè vacuando cautionem adhibere hic vir unus novit non minùs medendi peritiâ, quàm suâ probitate commendabilis.

Ergo profligandis morbis non impares Venesectio & Purgatio.

Domini Doctores disputaturi.

M. Philippus Caron, Pharmacia
Chimica Galenica Professor.

M. Ambrosius Nisolaus Chemi-
neau.

M. Joannes Gelly.

M. Michaël Sauvage.

M. Claudius Burlet, à Regiâ
scientiarum Academiâ.

M. Alexander Petrus Mattor.

M. Ludovicus Poirier.

M. Petrus Bonnet Bourdclot, Se-
renissima Ducissæ Burgundia,
Medicus primarius, nec non
Regis perpetuò ordinarius.

M. Joannes - Baptista Renatus
Moreau, Professor Regius.

Proponebat Parisiis JACOBUS BENIGNUS WINSLOW,
Danus Othoniensis, Baccalaureus Medicus. A. R. S. H. 1704.

Apud Viduam Francisci Muguet, Regis & Facultatis Medicinæ Typograph.